

Siunnersuummut nassuiaatit

Nassuiaatit nalinginnaasut

1. Aallaqqaasiut

Piginneqatigiilluni inissiat pillugit Inatsisartut inatsisaanni nr. 33-mi, 23. november 2017-imeersumi § 88, imm. 3-mi allassimavoq: *"Namminersornerullutik Oqartussat kommunillu inissiaataasa attartortittakkat teknikkikkut aningaasatigullu naliliivigineqartarnerat pillugu Namminersornerullutik Oqartussat nalunaarutaat nr. 9, 12. maj 2003-meersoq, Inatsisartut inatsisaat manna naapertorlugu aalajangersaanikkut allannngortinneqarnissami atorunnaarsinneqarnissamilu tungaanut atuutiinnassaaq."*

15. oktober 2008-mi Namminersornerullutik Oqartussat kommunillu inissiaataasa attartortittakkat teknikkikkut aningaasatigullu naliliivigineqartarnerat pillugu Namminersornerullutik Oqartussat nalunaarutaat nr. 25, 9. oktober 2008-meersoq atuutilerpoq, tamatumalu peqatigisaanik Namminersornerullutik Oqartussat kommunillu inissiaataasa attartortittakkat teknikkikkut aningaasatigullu naliliivigineqartarnerat pillugu Namminersornerullutik Oqartussat nalunaarutaat nr. 9, 12. maj 2003-meersoq atorunnaarsinneqarpoq.

Kukkunerup iluarsineqarnissaa, taamaalillunilu piginneqatigiilluni inissiat pillugit Inatsisartut inatsisaanni § 88-imi imm. 3. nr. 33-mi, 23. november 2017-imeersumi nalunaarutip atorunnaartup allassimajunnaarnissaa siunertarineqarpoq.

2. Siunnersuummi immikkoortut pingaarnerit

Siunnersuummi matumani teknikkikkut aningaasatigullu naliliisarneq pillugu nalunaarummi atuuttuusimasumi innersuussut kukkusoq iluarsiiivigineqarpoq, taamaalillunilu siunissami piginneqatigiilluni inissiat pillugit Inatsisartut inatsisaanni § 88, imm. 3. nr. 33-i 23. november 2017 –imeersoq, Namminersornerullutik Oqartussat kommunillu inissiaataasa attartortittakkat teknikkikkut aningaasatigullu naliliivigineqartarnerat allassimassanngilaq. Namminersorlutik Oqartussat kommunillu inissiaataasa attartortittakkat teknikkikkut aningaasatigullu naliliivigineqartarnerannut nalunaarummi atuuttuusimasumi maleruagassat piginneqatigiilluni inissiat pillugit Inatsisartut inatsisaannik aamma inissianik attartortitsisarneq pillugu Inatsisartut peqqussutaannik tunngaveqarput. Namminersornerullutik Oqartussat kommunillu inissiaataasa attartortittakkat teknikkikkut aningaasatigullu naliliivigineqartarnerat pillugu Namminersorlutik Oqartussat nalunaarutaanni nr. 25, 9. oktober 2008-meersumi allassimapput, maleruagassat atuuttut taamaallaat inissianik attartortitsisarneq pillugu Inatsisartut peqqussutaannik nr. 2-mik, 12. maj 2005-imeersumik tunngaveqarput.

Siunnersuutip inatsimmut atuuttumut sanilliunneqarnera	
<i>Oqaasertaliusaaq atuuttoq</i>	<i>Siunnersuut</i>
	§ 1 Piginneqatigiilluni inissiat pillugit Inatsisartut inatsisaanni nr. 33-mi, 23. november 2017-imeersumi imatut allannguisoqarpoq:
§ 88 <i>Imm. 3.</i> Namminersornerullutik Oqartussat kommunillu inissiaataasa attartortittakkat teknikkikkut aningaasatigullu naliliivigineqartarnerat pillugu Namminersornerullutik Oqartussat nalunaarutaat nr. 9, 12. maj 2003-meersoq, Inatsisartut inatsisaat manna naapertorlugu aalajangersaanikkut allanngortinneqarnissami atorunnaarsinneqarnissamilu tungaanut atuutiinnassaaq.	1. § 88, <i>stk. 3</i> atorunnaarpoq:
	§ 2 Inatsisartut inatsisaat 1. januar 2019-imi atuutilissaaq.

3. Pisortanut aningaasaqarnermut allaffissornermullu kingunerisassat

Siunnersuutip pisortanut kinguneqartinneqarnissaa naatsorsuutigineqanngilaq.

4. Inuussutissarsiutinik ingerlataqartunut aningaasaqarnermut allaffissornermullu kingunerisassat

Siunnersuutip inuussutissarsiutinik ingerlataqartunut kinguneqartinneqarnissaa naatsorsuutigineqanngilaq.

5. Avatangiisinut, Pinnngortitamut inuillu peqqissusaannut kingunerisassat

Siunnersuutip avatangiisinut, pinnngortitamut inuillu peqqissusaannut kinguneqartinneqarnissaa naatsorsuutigineqanngilaq.

6. Innuttaasunut kingunerisassat

Siunnersuutip innuttaasunut kinguneqartinneqarnissaa naatsorsuutigineqanngilaq.

7. Kingunerisassat annertuut allat

Siunnersuutip annertuunik allanik kinguneqartinneqarnissaa naatsorsuutigineqanngilaq.

8. Oqartussaasunut suliniaqatigiiffinnullu il.il. tusarniaaneq

Siunnersuut tusarniaassutigineqanngilaq, matumani kukkunerup ersarissup iluarsineqarnera kisimi pineqarmat.

Siunnersuummi aalajangersakkanut ataasiakkaanut oqaaseqaatit

§ 1-imut

Allannguutissami matumani nalunaarummut atuuttumut innersuussummut kukkunerup iluarsineqarnissaa pineqarpoq. Maanna Namminersornerullutik Oqartussat kommunillu inissiaataasa attartortittakkat teknikkikkut aningaasatigullu nalilivigineqartarnerannut nalunaarummut innersuussisoqarunnaarpoq. Namminersorlutik Oqartussat kommunillu inissiaataasa attartortittakkat teknikkikkut aningaasatigullu naliliffigineqartarnerannut nalunaarummi atuuttuusimasumi maleruagassat atuuttuusimasut piginneqatigiilluni inissiat pillugit Inatsisartut inatsisaannik aamma inissianik attartortitsisarneq pillugu Inatsisartut peqqussutaannik tungaveqarput. Teknikkikkut aningaasatigullu naliliisarnermut maleruagassat atuuttut nalunaarummi nr. 25-mi, 9. oktober 2008-meersumi, taamaallaat inissianik attartortitsisarneq pillugu Inatsisartut peqqussutaannik nr. 2-mik, 12. maj 2005-meersumik tungaveqartinneqartumi allassimapput.

§ 2-mut

Aalajangersakkami siunnersuutip piffissaq atuutilerfissaa allanneqarpoq.